

ԲԱՔՎԻ ԿՈՄՈՒՆԱՆ
ԵՎ ՆՐԱ ՊԱՏՄԱԿԱՆ ՆՇԱՆԱԿՈՒԹՅՈՒՆԸ

(Բաժվի 26 կոմիսարների սպանության 50-ամյակի առթիվ)

Վ. Ա. ԱՎԵՏԻՍՅԱՆ

1917—1921 թվականներին Անդրկովկասի աշխատավորները, մասնավորապես Բաքվի պրոլետարիատը, բոլշևիկյան կուսակցության ղեկավարությամբ հերոսական շատ էջեր դրեցին սոցիալիստական հեղափոխության պատմության մեջ:

Այդ հերոսական էջերից է Բաքվի կոմունան, սովետական առաջին իշխանությունը Ադրբեջանում և Անդրկովկասում:

Հոկտեմբերյան սոցիալիստական մեծ հեղափոխության հաղթանակի լուրը, որ Անդրկովկաս հասավ հենց նույն օրը, վիթխարի տպավորություն գործեց երկրամասի բանվորների, գյուղացիների, ճակատի ղինվորների վրա: Աշխատավորական մասսաները ջերմորեն ընդունեցին հողի և խաղաղության մասին սովետների II համագումարի պատմական ղեկրետները, սովետական կառավարության ստեղծումը՝ հեղափոխական պայքարի առաջնորդ Վ. Ի. Լենինի գլխավորությամբ: Իրադարձությունների բնական ընթացքը տանում էր դեպի Անդրկովկասում սովետական իշխանության հաստատումը, սովետական կենտրոնական կառավարության ձանաչումը, նրա ղեկրետների անհապաղ կենսագործումը: Սակայն սովետական իշխանության հաստատման համար պայքարը Անդրկովկասում հանդիպեց լուրջ խոչընդոտների: Դա պայմանավորված էր ոչ միայն ներքին հակահեղափոխական ուժերի դիմադրությամբ, այլև իմպերիալիստական պետությունների զինված միջամտությամբ: Սովետական իշխանության թշնամի ներքին և արտաքին ուժերը կենաց ու մահու կռիվ հայտարարեցին սոցիալիստական հեղափոխությանը:

1917 թ. հոկտեմբերի 25-ին արդեն զինվորների, բանվորների ու գյուղացիների սովետների Կովկասյան երկրային կենտրոնը և Թիֆլիսի սովետի գործադիր կոմիտեն, որոնց գլուխ կանգնած էին մենշևիկները, էսեռները, դաշնակցականներն ու մուսավաթականները, Թիֆլիսում ստեղծեցին այսպես կոչված «Հասարակական անվտանգության անդրկովկասյան կոմիտե», որը գործնականում պետք է գլխավորեր հասարակական պայքարը:

Եթե հակահեղափոխական կոալիցիան համախմբվում էր Թիֆլիսում, նախկին ցարական փոխարքայության և ապա ժամանակավոր բուրժուական կառավարության անդրկովկասյան վարչա-քաղաքական այդ կենտրոնում, ապա հեղափոխական սովետական ուժերի ամրոցը դարձավ նավթային Բաքուն, որտեղ կենտրոնացված էին Անդրկովկասի պրոլետարիատի ամենամեծ ու հեղափոխական բանակն ու բոլշևիկների բազմամարդ և ուժեղ կազմակերպությունները:

Բաքվի բոլշևիկները Ստեփան Ծաֆումյանի գլխավորությամբ հեղափոխության առաջին օրվանից հաստատակամորեն, քայլ առ քայլ հաղթահարելով հակահեղափոխության դիմադրությունը. Բաքվի պրոլետարիատին առաջնորդում էին դեպի իշխանության գրավումը:

Կենտրոնական սովետական կառավարությունը ճանաչելու և իշխանությունը լիովին Բաքվի սովետի ձեռքը վերցնելու բոլշևիկների առաջարկը լայն սրձադանք գտավ բանվորների ու զինվորների մեջ: Բոլշևիկյան կուսակցության Բաքվի կոմիտեի կողով հաղարավոր բանվորներ, զինվորներ ու նավաստիներ հոկտեմբերի 29-ին դուրս եկան ցույցի՝ միահամուռ կերպով պահանջելով իշխանությունը հանձնել բանվորների ու գյուղացիների սովետին:

Հոկտեմբերի 31-ին գումարված բանվորների և զինվորական ղեկուսատուների սովետի ընդլայնված կոնֆերանսը հույտարարելով իրեն տեղական օրենսդիր մարմին, ձայների մեծամասնությամբ ընդունեց բոլշևիկների բանաձևը Հոկտեմբերյան հեղափոխության պաշտպանության և իշխանությունը սովետի ձեռքը անցնելու մասին:

Նոյեմբերի 2-ին Բաքվի սովետի ընդլայնված կոնֆերանսը կրկին հավաքվեց ու հաստատեց իշխանությունը սովետի ձեռքը անցնելու գործնական ծրագիրը: Բաքվի սովետի ընդլայնված նիստը ընտրեց գործադիր կոմիտեի նոր կազմ, որն ընդունակ էր պաշտպանելու սոցիալիստական հեղափոխությունը և հեղափոխական կարգ հաստատել Բաքվում: Բաքվի սովետի գործադիր կոմիտեի նախագահ ընտրվեց բոլշևիկյան կուսակցության կենտկոմի անդամ, Բաքվի պրոլետարիատի ճանաչված ու աննկուն առաջնորդ Ստ. Ծաֆումյանը: Գործկոմի կազմում ընտրվեցին բոլշևիկյան ականավոր գործիչներ Պ. Ջափարիձեն, Ի. Ֆիոլետովը, Մ. Բասինը, Ս. էֆենդիևը, Ի. Վաքեկը, ձախ էսեռ Մ. Վեդերովը և ուրիշներ:

Այսպիսով, ցուցաբերելով վճռական ու ճկուն հեղափոխական տակտիկա, Բաքվի բոլշևիկները կարողացան գլխավորել բանվորների, զինվորների և նավաստիների հեղափոխական վերելքը, մեկուսացնել հակասովետական, ազգայնական բուրժուական ու մանր-բուրժուական կուսակցություններին, հռչակել սովետական իշխանություն և Բաքուն դարձնել սոցիալիստական հեղափոխության ֆորպոստը Անդրկովկասում:

Նորընտիր գործադիր կոմիտեն նոյեմբերի 4-ին Ստ. Ծաֆումյանի ստորագրությամբ հրատարակած կոչում դիմեց քաղաքացիներին՝ հակահարված տալ հակահեղափոխական տարրերի շարամիտ պրովակացիաներին, վճռականորեն աջակցել հեղափոխական իշխանության նոր օրգաններին, Վ. Ի. Լենինի գլխավորած սովետական կառավարությանը: Սովետը հայտարարում էր, որ ինքը «անխնա կճնշի հակահեղափոխական ելույթների ամեն մի փորձ մեր քաղաքում»¹:

Բաքվի սովետը, հենվելով բանվորական ու զինվորական լայն ղանգվածների վրա, բոլշևիկներին ղեկավարությամբ քայլ առ քայլ ամրապնդում էր իր իշխանությունը: Նա վերացրեց հակահեղափոխության այնպիսի որջեր, որպիսիք էին Հասարակական անվտանգության կոմիտեն, Հասարակական կազմակերպությունների գործադիր կոմիտեն, պետական հիմնարկներում նշանակեց խր կոմիսարներին, բանկերը, նավթահանքերը և արդյունաբերական մյուս ձեռ-

¹ Ստ. Ծաֆումյան, Երկեր, հատ. III, Հայպետհրատ, 1958, էջ 19:

նարկությունները, երթևեկության ու կապի միջոցները վերցրեց իր հսկողության տակ:

Բաքվի սովետական իշխանության դեմ կատաղի պայքար հայտարարեց 1917 թ. նոյեմբերի 15-ին Թիֆլիսում Անտանտի դիվանագետների աջակցությամբ ստեղծված Անդրկովկասյան կոմիսարիատը, որը մուսավաթականների, մենշևիկների, դաշնակցականների և էսեռների հակահեղափոխական բլոկի իշխանությունն էր: Անդրկովկասյան կոմիսարիատը հանցավոր դաշինք կնքեց Հյուսիսային Կովկասի սպիտակզավարդիականների հետ, հրահանգեց կովկասյան ռազմաճակատից Ռուսաստան մեկնող ռուսական զորամասերի ղինաթափումը և նրանց գաղանային կոտորածը, ազգային զորամասերի կազմակերպումը կալվածատիրական ու բուրժուական ազգային խորհուրդների ղեկավարությամբ, նախապատրաստեց Անդրկովկասի անջատումը Ռուսաստանից:

Անդրկովկասի բոլշևիկները մերկացրին Անդրկովկասյան կոմիսարիատի, նրա մենշևիկյան-մուսավաթական, բեկական-կալվածատիրական ղեկավարության հակահեղափոխական էությունը: Կոմիսարիատի հակահեղափոխական քաղաքականությունը վճռականորեն դատապարտեցին կովկասյան բանակի ղինվորական ղեկուսատնների սովետի II համագումարը, Հյուսիսային Կովկասի և արևելյան Անդրկովկասի բանվորական ղեկուսատնների սովետների ներկայացուցիչների համագումարը:

ՌՍՖՍՀ ժողովրդական կոմիսարների սովետը 1917 թ. դեկտեմբերի 15-ին Ստեփան Շահումյանին նշանակել էր Կովկասի գործերի ժամանակավոր արտակարգ կոմիսար: Այդ կապակցությամբ 1918 թ. հունվարի 7-ին նա մեկնեց Թիֆլիս: Շահումյանի սուբադարկությամբ Բաքվի սովետի գործադիր կոմիտեի նախագահ ընտրվեց Պ. Զափարիձեն:

Անդրկովկասի բանվորներն ու գյուղացիները մեծ խանդավառությամբ ընդունեցին Ստ. Շահումյանին Կովկասյան գործերի կոմիսար նշանակելու լուրը: Շահումյանը, որպես սովետական կենտրոնական կառավարության ներկայացուցիչ, ձեռք առավ բոլոր միջոցները երկրամասում սովետական իշխանություն հաստատելու համար: Իր պաշտոնական դիմումներում Շահումյանը կոչ էր անում բանվորների, ղինվորների, գյուղացիների ղեկուսատնների սովետներին, Կովկասի բանվորներին՝ հակահարված տալ հակահեղափոխական բլոկի կուսակցությունների կործանարար քաղաքականությանը, ձախողել Անդրկովկասյան կոմիսարիատին փոխարինող սեյմի ստեղծման ծրագիրը, որը ավելի կսրեր քաղաքական լարվածությունը, ազգամիջյան պատերազմների, ժողովուրդների փոխադարձ բնաջնջման սպառնալիքը Անդրկովկասում: Դիմելով սովետներին և բանվորա-գյուղացիական մասսաներին, Շահումյանը գրում էր. «Կովկասը կանգնած է անդունդի եզրին: Փրկեցեք նրան: Ստեղծեցեք այստեղ ինտերնացիոնալ բանվորա-գյուղացիական կառավարություն, որը Ռուսաստանի սովետական կենտրոնների ու ժողովրդական կոմիսարների սովետի հետ սերտ միասնություն ստեղծելով՝ վերջ կդնի Կովկասի հակահեղափոխությանը և երկրի բանվոր ու գյուղացի բնակչությանը կառաջնորդի դեպի լուսավոր ապագան, դեպի սոցիալիզմի թագավորությունը»²:

Ստ. Շահումյանը հարկադրված էր գործել թշնամական ուժերի օղակում, որոնք պատրաստվում էին դաժան հաշվեհարդար տեսնել նրա հետ: 1918 թ.

² Նույն տեղում, էջ 69—70:

փետրվարի 10-ին, Անդրկովկասյան սեյմի բացման օրը, մենչևիկները Թիֆլիսում զնդակոծեցին անդեն բանվորներին, որոնք դուրս էին եկել միտինգի՝ բողոքելու Անդրկովկասը Ռուսաստանից անջատելու հակահեղափոխականների կործանարար պլանի դեմ։ Մենչևիկները միտինգում փետրում էին Շահումյանին, բայց չկարողացան հայտնաբերել նրան։ Շահումյանին հաջողվեց ծրույ-տրված վերադառնալ Բաքու և այդտեղից կազմակերպել վճռական պայքար անդրկովկասյան հակահեղափոխության դեմ։

Բաքվում կենտրոնացրեց իր գործունեությունը կովկասյան բանակի ռազ-մա-հեղափոխական կոմիտեն՝ բուլշևիկ Վ. Կորկանովի գլխավորությամբ։ Ռազ-մա-հեղափոխական կոմիտեում էին աշխատում նաև նշանավոր բուլշևիկներ Բ. Շեբոլդաևը, Ի. Մալիգինը, Ի. Գաբիլևը, Ֆ. Սոլնցևը, Մ. Կոզանովը։

Բուլշևիկների Բաքվի կոմիտեն, իր կազմում ունենալով կուսակցական փոք-ծրված կազմեր, կարողանում էր բարդ իրադրության մեջ կենսազործել քա-ղաքական-ռազմական կարևոր միջոցառումներ՝ սովետական իշխանությունը ամրապնդելու և Ադրբեջանում ու ամբողջ Անդրկովկասում տարածելու համար։

Հաշվի առնելով հակահեղափոխական ուժերի հավանական գինված ելույթ-ները, բուլշևիկները առաջին հերթին հող տարան ռազմական տեսակետից իշ-խանությունը ամրապնդելու մասին։ Դեռևս 1917 թ. նոյեմբերից նրանք Բաքվի շրջանային սովետներին կից ստեղծեցին ռազմա-հեղափոխական կոմիտեներ, որոնք ձեռնամուխ եղան կարմիրգվարդիական ջոկատների կազմակերպմանը։ 1918 թ. փետրվարին բանվորական կարմիրգվարդիական ջոկատներ կային Բաքվի համարյա բոլոր շրջաններում։ Նրանց ղեկավարման համար ստեղծվեց կենտրոնական շտաբ, որին ենթարկվում էին շրջանային շտաբները։ Կարմիր գվարդիան ուներ ինտերնացիոնալ անձնակազմ։

Բանվորա-գյուղացիական կարմիր բանակ ստեղծելու մասին սովետական կենտրոնական կառավարության ղեկրետից հետո Բաքվի բուլշևիկյան կոմի-տեն կովկասյան բանակի ռազմա-հեղափոխական կոմիտեի հետ միասին ձեռ-նամուխ եղավ Բաքվում կարմիր բանակի կանոնավոր զորքերի կազմակերպ-մանը։ Տարբեր ազգերի հազարավոր բանվորներ կամավոր գրվեցին ծառայելու կարմիր բանակի շարքերում։

Սովետական իշխանության ամրապնդման ու պաշտպանության գործում կարևոր դեր խաղաց բուլշևիկների Բաքվի կոմիտեին կից ստեղծված կուսակ-ցական մարտական զրուժինան։ Նրա քաղաքական կոմիսարը նշանավոր բու-լշևիկ, հին բանվոր Սերգո Մարտիկյանն էր։ Դրուժինայի կազմում ընդգրկված էին կուսակցական ու սովետական պատասխանատու աշխատողներ և նրանց ընտանիքի անդամներ։

Բուլշևիկները մեծ աշխատանք տարան կասպիական ռազմական նավա-տորմիղը Բաքվի սովետի կողմը դրավելու համար։ Ստ. Շահումյանի գլխավո-րած հատուկ հանձնաժողովը զբաղվեց կասպիական նավատորմիղի վերակա-ռուցման հարցով։ Ռազմական նավատորմիղին անձամբ այցելեց Ստ. Շա-հումյանը։ Նրա ելույթից հետո նավաստիները միահամուռ կերպով իրենց պատրաստակամությունը հայտնեցին կրծքով պաշտպանելու սովետական իշ-խանությունը։ Բաքվի սովետի կողմից նավատորմիղի կոմիսար նշանակվեց նավաստի Վ. Պոլուխինը։

Բաքվի սովետի ղինված ուժերի ղլուխ էին կանգնած կովկասյան բանակի ռազմա-հեղափոխական կոմիտեն և նրա նախագահը՝ Գ. Կորգանովը: Այդ ուժերի շարքում 1918 թ. կային 6000 մարտիկներ:

Կազմակերպչական, ռազմական աշխատանքի հետ միասին Բաքվի բոլշևիկները ծավալեցին ագիտացիոն-մասսայական լայն գործունեություն: Նրանք աշխատավորական մասսաներին բացատրում էին կուսակցության նպատակները, մերկացնում էին սովետական իշխանության թշնամիների պրովոկացիաները, բարձրացնում էին բանվորների դասակարգային ինքնագիտակցությունը, նրանց քաղաքական ակտիվությունը: խոշոր գեր էին խաղում բոլշևիկյան «Бакинский Рабочий», «Известия Совета рабочих, солдатских и матросских депутатов бакинского района», «Տեղեկագիր», «Հումեթ» թերթերը, որոնք պայքարում էին թշնամական գաղափարախոսության դեմ, մերկացնում անդրկովկասյան հակահեղափոխականների և օտարերկրյա ինտերվենտների հակասովետական գավերը:

Բաքվի սովետական իշխանության ղիրքերի ամրապնդման համար մեծ նշանակություն ունեցավ սովետական կառավարության նյութական և ռազմական օգնությունը, որը ցույց տրվեց ՌԿԿ Կենտկոմի և անձամբ Վ. Ի. Լենինի ցուցումով: 1918 թ. փետրվարին ՌՍՖՍՀ ժողովրդական կոմիսարների սովետը Բաքվի սովետին տրամադրեց 30,8 միլիոն ռուբլի դրամ, ռազմական հանդերձանք և զենք: Սովետական կառավարությունը հնարավոր ամեն օգնություն ցույց տվեց Բաքվին նաև հետագայում:

1918 թ. փետրվարի կեսից խախտելով ղինադադարը, գերմանա-թուրքական ղորքերը հարձակվեցին Անդրկովկասի վրա:

Անդրկովկասյան կոմիսարիատը, շնայած իր տրամադրության տակ եղած ռազմական ղզալի ուժերին, ոչ միայն ղկազմակերպեց հակահարված, այլև հանդագործ դաշինքի մեջ մտավ գերմանա-թուրքական իմպերիալիզմի հետ: Սպասելով թուրքական ղորքերի հարձակման հարմար առիթին, մուսավաթականները, կապեր հաստատելով թուրքական հրամանատարության հետ, 1918 թ. մարտի 30-ին Բաքվում բարձրացրին հակասովետական խռովություն: Մուսավաթականներին Դադստանից օղնության հասավ թուրքական գործակալ Գոցինսին: Անդրկովկասյան կոմիսարիատը լիովին աջակցում էր մուսավաթականների գործողություններին:

Բաքվի բոլշևիկները, նրանց ղինված ուժերը նախապատրաստված էին հակահեղափոխության ելույթին: Խռովարարների ղմ մարտական գործողությունները ղեկավարելու համար կազմակերպվեց Բաքվի և նրա շրջանների պաշտպանության հեղափոխական կոմիտե, որի կազմում մտան Ստ. Շահումյանը, Պ. Զափարիձեն, Գ. Կորգանովը, Ն. Նարիմանովը, Ն. Կուզնեցովը, ձախ էսեն Ի. Սուխարցևը: Պաշտպանության հեղափոխական կոմիտեի կոշով խռովարարների ղեմ ոտքի կանգնեց Բաքվի ողջ պրովետարիատը: Նրեք օր Բաքվի փողոցներում կարմիր գվարդիայի, կարմիր բանակի, կոմունիստական ղրուժինայի, նավաստիների ղոկառները մարտեր էին մղում մուսավաթականների «վայրենի ղիվիղիայի» և մյուս բանդաների ղեմ: Նրկու կողմից կովին մասնակցում էին 20.000 մարդ: Մուսավաթական խռովության ղախջախմանը մասնակցեցին նաև Բաքվի հայկական աղգային խորհրդի տրամադրության տակ գտնվող հայ-

կական ղորամասերը՝ 3—4 հազար մարդ³։ Չնայած Բաքվի հայոց աղգային խորհուրդը (որտեղ գերակշռում էին դաշնակցականները) որոշում էր ընդունել չեղորոթյուն պահպանել մուսավաթականների և սովետական ուժերի պայքարի ընթացքում, բայց հայկական ղորամասերի մարտիկները, ըմբռնելով թուրքական իմպերիալիզմի գործակալ մուսավաթականների հաղթանակի ծանր հետևանքները Անդրկովկասի համար, միացան սովետական զորքերին և օգնեցին ջախջախելու խռովարարներին։

Բաքվի դաշնակցական պարագլուխները, հայ աշխատավորության շրջանում իրենց վարկը վերջնականապես չկորցնելու համար և տեսնելով, որ ուժերի գերակշռությունը սովետի կողմն է, հարկադրված էին հարմարվել ստեղծված դրությունը և իրենց սովետական իշխանության բարեկամ հայտարարել։ Դաշնակ ղեկավարների այդ ժամանակաշրջանի դիրքավորումը հետևյալ կերպ գնահատեց «Бакинский Рабочий» թերթը «Դաշնակցության կուսակցության մասին» առաջնորդող հոդվածում. «Ստեղծվել են պայմաններ, երբ առաջնորդները (դաշնակցության — Վ. Ս.) կամ պետք է համագործակցեն սովետական իշխանության հետ, կամ կորցնեն իրենց իշխանությունը մասսաների վրա։ Եվ առաջնորդները հարմարվում են։ Բայց եթե սովետական իշխանությունը հիմա կարող է հենվել դաշնակցության վրա, հապա վաղը պայմանները կարող են սուր կերպով փոխվել և այն ժամանակ նույն այդ կուսակցությունը կվերսկսի իր նախկին անհաշտ պայքարը պրոլետարական հեղափոխության դեմ։ Ահա ինչու հակահեղափոխականության դեմ մղվող պայքարում չմերժելով դաշնակցության օգնությունը, որը շատ արժեքավոր է տվյալ մոմենտին, մենք համենայն դեպս չպետք է կորցնենք պատմական հեռանկարը, չմոռանանք այդ կուսակցության նացիոնալիստական էությունը...»⁴։

Մարտի 30-ին ու 31-ին և ապրիլի 1-ին Բաքվում ծավալված կատաղի մարտերը ավարտվեցին Բաքվի սովետի հաղթանակով։ Թշնամին ջախջախվեց և դուրս շարտվեց։ Այդ ժամանակաշրջանից, ինչպես նշեց Ստ. Շահումյանը, Անդրկովկասը թեկնոսեց սովետական իշխանության համար մղվող զինված ակտիվ պայքարի շրջանը⁵։

Մուսավաթական խռովության ջախջախումը ոչ միայն բախտորոշ նշանակություն ունեցավ Բաքվի սովետական իշխանության, այլև ամբողջ Անդրկովկասի համար։ Այն ձախողեց նավթային Բաքուն մուսավաթականների ձեռքով դրավելու դերմանա-թուրքական պլանները։

Ժողովրդական կոմիսարների սովետին ուղարկած իր ղեկուցագրում հաղորդելով մուսավաթական խռովության ջախջախման մասին, Ստ. Շահումյանը գրում էր. «Սովետական իշխանությունը Բաքվում շարունակ օգնում էր կախված մուսուլմանական նացիոնալիստական կուսակցությունների դիմադրության պատճառով... Եթե նրանք հաղթանակեին Բաքվում, քաղաքը կհայտարարվեր Ադրբեջանի մայրաքաղաք, բոլոր ոչ մուսուլմանական տարրերը ղինաթափ կարվեին ու կկոտորվեին, մուսուլմանական հակահեղափոխական տարրերը դրություն տեղը կդառնային ամբողջ Անդրկովկասում։ Եթե նկատի ունենանք նրանց քաղաքական նպատակները — Անդրկովկասի անջատումը Ռուսաստանից և Լեւ-

³ Տե՛ս նույն տեղում, էջ 144։

⁴ «Бакинский Рабочий», № 70, 20 ապրիլի 1918։

⁵ Տե՛ս Ստ. Շահումյան, Երկեր, հատ. III. էջ 143։

թարկումը թուրքական հովանավորությանը — պարզ է, որ նրանց հաղթանակը Բաքվում կտաներ դեպի Անդրկովկասի կորուստը Ռուսաստանի համար»⁶։

Մարտյան հաղթանակից հետո Բաքվի սովետը դարձավ քաղաքի և նրա շրջանների լիիրավ տերը։ Ընդլայնվեց նրա իշխանությունը։ Բաքվի սովետի ղորքերը, նոր կամավորներով համալրված, վճռական հաղթանակ տարան արևմուտքից և հյուսիս-արևելքից հարձակվող թշնամու ուժերի դեմ։ Ապրիլ ամսվա ընթացքում ազատագրվեցին և սովետական դարձան Լենքորանը, Շամախին, Սալյանը, Հաջի-Կաբուլը, Ղուբան, Պետրովսկը, Դերբենտը։ Ռազմաճակատում տարած հաղթանակները Բաքվի բոլշևիկներին հնարավորություն տվեցին իրադրոժել կարևոր միջոցառումներ, որոնք քաղաքական, ռազմական ու տրեստեական տեսակետից ամրապնդեցին սովետական իշխանությունը։

Բաքվի բոլշևիկների կոնֆերանսի որոշման համապատասխան ապրիլի 25-ին Բաքվի սովետը ընտրեց կառավարություն՝ Բաքվի ժողովրդական կոմիսարների սովետ։ Ժողկոմսովետի կազմում քնտրվեցին բոլշևիկներ և մասամբ ձախ էսեռներ։ Ժողովրդական կոմիսարների սովետի նախագահ և արտաքին գործերի ժողովրդական կոմիսար ընտրվեց Ստ. Շահումյանը, ներքին գործերի՝ Պ. Զափարիձեն, ռազմա-ծովային գործերի՝ Գ. Կորգանովը, ժողովրդական տնտեսության կոմիսար՝ Ի. Ֆիոլետովը, քաղաքային տնտեսության կոմիսար՝ Ն. Նարիմանովը, արդարադատության կոմիսար՝ Ա. Կարինյանը, լուսավորության կոմիսար՝ Ն. Կոլեսնիկովան։ Հետագայում նահանգական կոմիսար ընտրվեց Մ. Ազիզբեկովը, աշխատանքի կոմիսար՝ Յա. Զեինը, հողագործության կոմիսար՝ Մ. Վեդիրովը (ձախ էսեռ)։ Իր ղեկարացիայում Բաքվի ժողովրդական կոմիսարների սովետը հայտարարեց, որ «ամենասերտ կերպով կապված կլինի համառուսաստանյան կենտրոնական իշխանության հետ, և հարմարվելով տեղական պայմաններին՝ կենսագործելու է Ռուսաստանի բանվորա-գյուղացիական կառավարության ժողովրդական կոմիսարների սովետի բոլոր դեկրետներն ու կարգադրությունները»⁷։ Դեկլարացիայում նշվում էր, որ Բաքվի սովետը պայքարում է ամբողջ Անդրկովկասում և Դաղստանում սովետական իշխանության հաստատման համար։

Բաքվի պաշտպանության հեղափոխական կոմիտեն, ժողովրդական կոմիսարների սովետը Ստ. Շահումյանի գլխավորությամբ կարճ ժամանակամիջոցում հետևողականորեն ու վճռականորեն իրագործեցին քաղաքական, տնտեսական և կուլտուր-լուսավորական կարևոր միջոցառումներ, որոնց շնորհիվ ղգալի չափով վնասազերծվեցին հակասովետական բուրժուական տարրերի դավերը, սկսեցին արմատավորվել սոցիալիստական կառավարման և տնտեսավարման սկզբունքները։ Հրատարակվեցին դեկրետներ ու կարգադրություններ Բաքվի քաղաքային դուման ցրելու, մի շարք հակասովետական թերթեր ու հրատարակություններ փակելու, քաղաքացիական կոիւնների ժամանակ տուժած չքավորությանը օգնելու, կաշառակերներին, ղեղձարարներին, սպեկուլյանտներին անողոք պատժելու մասին և այլն։ Կարմիր բանակի կազմակերպման ծախսերը հոգալու համար 50 միլիոն ռուբլու հարկ դրվեց ունևոր, բուրժուական խավերի վրա, համաձայնություն կնքվեց Բաքվի հայկական սղգային խորհրդի հետ նրա ղորամասերը սովետական ինտերնացիոնալ բանակի կազմում մըտ-

6 Նույն տեղում, էջ 143—144։

7 Նույն տեղում, էջ 157։

ցրենելու մասին: Իսկ անհրաժեշտ կոմպրոմիս էր՝ Բաքվի վրա հարձակվող թուրք զավթիչներին միացյալ ուժերով հակահարված տալու համար:

Խիստ կարևոր էին Բաքվի ժողկոմսովետի անցկացրած սոցիալիստական վերափոխումները, որոնք սահմանափակեցին բուրժուազիայի տնտեսական տիրապետությունը և բարելավեցին բանվորների զրույթյունը: Այդպիսի անցումներ նախարարություններում, բանկերը, ձկնարդյունաբերությունը, կասպիական առևտրական նավատորմը: Սահմանվեց 8-ժամյա բանվորական օր, բարձրացվեց բանվորների աշխատավարձը, բարելավվեցին նրանց բնակարանային պայմանները՝ ի հաշիվ բուրժուազիայի: Լուրջ բարեփոխություններ մտցվեցին ժողովրդական լուսավորության գործում. դպրոցն անջատվեց եկեղեցուց, սահմանվեց ընդհանուր պարտադիր ձրի ուսուցում:

Բաքվի բոլշևիկները աշխատանք ծավալեցին գյուղացիության շրջանում ամրապնդելու Բաքվի պրոլետարիատի դաշինքը գյուղացիության հետ: Գավառներում ստեղծվեցին գյուղացիական սովետներ: 1918 թ. մայիսի 26-ին Բաքվում տեղի ունեցավ Բաքվի գավառի գյուղացիական դեպուտատների սովետի համագումարը, որտեղ ելույթ ունեցավ Ստ. Շահումյանը: Գյուղացիական դեպուտատների սովետը ձուլվեց Բաքվի բանվորական ու ղինվորական սովետի հետ: Մեծ նշանակություն ունեցավ Բաքվի ժողովրդական կոմիսարների սովետի ղեկընտը՝ խաներից, բեկերից ու մելիքներից հողերը բռնագրավելու մասին:

Այս բոլոր կարևոր միջոցառումները կենսագործվում էին բարդ իրադրության մեջ, բաղադրական պատերազմի և օտարերկրյա ինտերվենցիայի պայմաններում:

Բաքվի սովետական իշխանության, կոմունիստների ու ողջ պրոլետարիատի լարված, ստեղծագործական գործունեությանը մեծագույն ուշադրությամբ հետևում էր և անհրաժեշտ օգնություն ցույց տալիս Վ. Ի. Լենինը: Բաքվի ժողովրդական կոմիսարների սովետը և անձամբ Ստ. Շահումյանը մշտական կապ էին պահպանում Վ. Ի. Լենինի հետ, պարբերաբար նրան հաղորդում Բաքվի և Կովկասի իրադարձությունների մասին, ցուցումներ և օգնություն խնդրում: Նամակագրական, հեռագրական և ռադիոկապից բացի Ստ. Շահումյանը հնարավոր դեպքերում Վ. Ի. Լենինի մոտ էր գործուղում Բաքվի ժողկոմսովետի պատասխանատու աշխատողներին, որոնք տեղում Վ. Ի. Լենինի միջոցով լուծում էին Բաքվին և Անդրկովկասին վերաբերող կարևոր քաղաքական, ռազմական ու տնտեսական հարցեր: ԽՍՀՄԸ ժողովրդական կոմիսարների սովետի որոշմամբ 1918 թ. առաջին կեսին մի քանի անգամ Բաքվի սովետական իշխանությանը հատկացվեց մեծ քանակությամբ զրամ՝ հատկապես նավթարդյունաբերությունը գործի դնելու, բանվորների աշխատավարձը վճարելու, Բաքվի պաշտպանությունը ամրապնդելու համար: 1918 թ. ապրիլին Վ. Ի. Լենինը ընդունեց Բաքվի սովետի ներկայացուցիչներ Սահակ Տեր-Գաբրիելյանին և Վլադիմիր Բորցովին: Ծանոթանալով իրերի վիճակին, Լենինը ցուցում տվեց կառավարական համապատասխան մարմիններին՝ շուտափույթ օգնություն ցույց տալ Բաքվին: Բաքու ուղարկվեց 5 հազար հրացան, 2 միլիոն փամփուշտ, տասնյակ զնդացիներ, ինչպես նաև մարտական ուժեր: Ինչպես հաղորդել է Ս. Տեր-Գաբրիելյանը, Վ. Ի. Լենինը հիացմունքով էր խոսում Բաքվի բոլշևիկների գործունեության մասին և ուղղակի հայտարարում էր, որ պետք է ամեն ինչ անել Բաքվի համար: Երբ Ս. Տեր-Գաբրիելյանը հունիսի 23-ին վերադար-

ձավ Բաբու, Ստ. Շահումյանը այդ մասին անհապաղ հաղորդեց Վ. Ի. Լենինին. «Թանկագին Վլադիմիր Իլյիչ, — դրում էր նա, — այսօր եկավ Տեր-Գաբրիելյանը և մեզ համար բերեց 4 զրահամեքենա, 13 օղանալ և ուրիշ շատ բաներ: Այդ բոլորի համար շատ և շատ շնորհակալություն Ձեզ: Մենք ստացանք այն, ինչ մեզ պակասում էր և որը մեզ այժմ անգնահատելի ծառայություն է մատուցելու»⁸:

Հետևելով Բաբվի ժողկոմսովետի զործունեությանը, Վ. Ի. Լենինը հայտնելով իր հիացմունքը, միաժամանակ հրահանգում էր լինել շրջահայաց, հաշվի առնել տեղական պայմանները, հակառակորդների միջև եղած հակասությունները, կոնֆլիկտները, կարողանալ դրանք օգտագործել սովետական իշխանության ամրապնդման համար: 1918 թ. մայիսի 14-ին Վ. Ի. Լենինը գրում էր «Թանկագին բնկեր Շահումյան, շատ շնորհակալ եմ նամակի համար: Մենք հրճվանքի մեջ ենք Ձեր հաստատակամ և վճռական քաղաքականությունից: Կարողացեք դրան միացնել այն ամենազգուշ ղեկանադիտությունը, որն անպայման թելադրվում է այժմյան դժվարագույն դրությամբ, — և մենք կհաղթենք: Դժվարություններն անհաշիվ են: Առայժմ մեզ փրկում են միայն իմպերիալիստների հակասությունները, կոնֆլիկտներն ու պայքարը: Կարողացեք օգտագործել այդ կոնֆլիկտները. առայժմ հարկավոր է ղեկանադիտություն սովորել: Լավագույն ողջույններ ու ցանկություններ և ողջույն բոլոր բարեկամներին: Վ. Ուլյանով (Լենին)»⁹:

Բաբվի կոմունայի ամրապնդումը, նրա իրազործած սոցիալիստական վերափոխումները վարակիչ օրինակ էին Անդրկովկասի բանվորների ու գյուղացիների համար: Այդ օրինակով ոգևորված նրանք ավելի մեծ հաստատակամությունամբ էին հանդես գալիս Անդրկովկասյան կոմիտարիատի ու սեյմի դեմ:

Կոմունայի նկատմամբ ատելությունը լցված մենշեիկները, մուսավաթականները, դաշնականները, էսեռները, շնայած իրար նկատմամբ ունեցած թշնամանքին, զործադրում էին բոլոր չանքերը հանգցնելու հեղափոխական հրդեհը, տապալելու սովետական իշխանության միջնաբերդը Անդրկովկասում: Օգտագործելով Անդրկովկասյան սեյմի ու նրա ղեկավար կուսակցությունների հակասովետական դիրքորոշումը, դեմանա-թուրքական իմպերիալիստները իրագործեցին Անդրկովկասը գրավելու իրենց հին երազանքը: Նրանց թելադրանքով սեյմը պաշտոնապես հռչակեց Անդրկովկասի անկախությունը Սովետական Ռուսաստանից:

Ցուցադրելով իրեն Բրեստի դաշնագրի հակառակորդ, Անդրկովկասի բուրժուա-կալվածատիրական կառավարությունը բռնեց կապիտուլյացիայի, զավթիչների շարունակ աճող պահանջները բավարարելու ուղին: Գերմանա-թուրքական իմպերիալիստների զխավոր նպատակը Բաբուն գրավելն էր: Չնայած Բաթումում սկսված բանակցություններին, թուրքական զորքերը մայիսի 15-ին անցան հարձակման, գրավեցին Ալեքսանդրապոլը և շարժվեցին դեպի Երևան ու Ղարաբիլիսա: Նրանց նպատակն էր գրավել Հայաստանը և Աղստաֆայի ու Ջուլֆայի վրայով հարձակվել Բաբվի վրա:

Բաբվի կոմունայի դեմ գերմանա-թուրքական արշավանքների օրերին ղուրավար Անդրանիկը, իր ջոկատով գտնվելով Նախիջևանի գավառում, այն հայ-

⁸ Նույն տեղում, էջ 323:

⁹ Վ. Ի. Լենին, Երկեր, հատ. 35, էջ 359:

տարարեց Ռուսաստանի հանրապետության անբաժան մասը և հեռագրով կապվելով Ստ. Շահումյանի հետ, իր պատրաստակամությունը հայտնեց կովեկու թուրքական զորքերի դեմ, կասեցնելու Պարսկաստանի վրայով նրանց առաջադրված զեկուի Բաքու Ստ. Շահումյանը բարձր գնահատեց Անդրանիկի զորքը և ջերմ հեռագրով ողջունեց նրա որոշումը՝ անվանելով նրան «խակական ժողովրդական հերոս»¹⁰:

Հանդիպելով Բաքվի սովետի զորքերի ուժեղ գիմադրությանը, թուրքական հրամանատարությունը նոր զորամասեր նետեց ռազմաճակատ։ Միաժամանակ հյուսիսային Իրանում ծվարած անգլիական դավթիչները, որոնք պատերազմական վիճակում էին գերմանա-թուրքական իմպերիալիզմի հետ, նույնպես ձգտում էին Բաքուն գրավել և այդ ուղղությամբ իրենց զաղախի գործակալների միջոցով նախապատրաստական աշխատանք էին տանում Բաքվի հակասովետական կուսակցությունների՝ մենշևիկների, աջ էսեռների ու դաշնակների պարագլուխների հետ:

1918 թ. հուլիսին Բաքվի կոմունայի համար տեղից ծանր դրություն։ Մենշևիկները, աջ էսեռները և դաշնակները իրենց գործողություններով ճանապարհ էին հարթում օտար նվաճողների, հատկապես անգլիացիների համար։ Օգտագործելով պարենային դժվարությունները և ռազմաճակատում կրած անհաջողությունները, դաշնակցական-մենշևիկյան-աջ էսեռական բլոկին հաջողվեց խաբել և ժամանակավորապես իր հետևից տանել Բաքվի աշխատավորության մի մասին։ Արդեն հուլիսի 16-ին հակահեղափոխական բլոկը փորձեց Բաքվի սովետում անցկացնել բանաձև՝ անգլիացիներին Բաքու հրավիրելու մասին, որոնք իբր պետք է օգնեին թուրքական հրոսակների հարձակումը կասեցնելու գործին։ Բուլշևիկներին հաջողվեց այդ առաջարկը մերկացնել ու տապալել։ Այդ ծանր օրերին նրանք բացառիկ համերաշխությամբ ու հաստատակամությամբ հանդես էին գալիս թշնամիների դեմ, ձեռք առնում բոլոր միջոցները սովետական Բաքուն պաշտպանելու համար։ Բաքուն անգլիացիներին կամ իմպերիալիստական ուրիշ պետության հանձնելը համարելով մեծագույն դավաճանություն, հեղափոխականի համար անվայել վարքագիծ, Շահումյանը Բաքվի սովետում հուլիսի 16-ին հայտարարեց. «Մեր մեջ բավականին հեղափոխական զգացում և գիտակցություն կգտնվի, որպեսզի առեմք. ոչ մեկ չենք կարող հանձնվել օտարերկրյա իմպերիալիստների ձեռք, մենք կպայքարենք մեր անկախության համար ու կպաշտպանենք այն մեր ուժերով»¹¹:

Ստ. Շահումյանը մեծ պատասխանատվությամբ ու պարտաճանաչությամբ անում էր ամեն ինչ Բաքվի պաշտպանության համար։ Նա անձամբ շրջում էր կուլոդ զորամասերը, մեկնում առաջավոր զորքերը, այցելում բանվորներին ու նավաստիներին, կապվում Ռուսաստանի տարբեր մարզերի սովետական օրգանների հետ՝ օգնություն խնդրում։ Ռազմաճակատ են մեկնում նաև նրա երկու որդիները՝ Սուրեն և Լևոն Շահումյանները։ Ստ. Շահումյանը շարունակ իրազեկ էր պահում Վ. Ի. Լենինին ստեղծված դրությանը, խորհուրդներ ու ցուցումներ պահանջում Վ. Ի. Լենինը հնարավոր ամեն տեսակի օգնություն էր կազմակերպում Բաքվի համար։ Նա հրահանգում էր երկրի վանազան սովետներին (Աստրախան, Հյուսիսային Կովկաս, Միջին Ասիա, Պետրոգրադ)

¹⁰ Տե՛ս «Бакинский Рабочий», 1918, հուլիսի 20:

¹¹ Ստ. Շահումյան, Երկեր, հատ. 111, էջ 371:

ամեն ինչով օգնության հասնել Բաքվի կոմունարներին: 1918 թ. հուլիսի 13-ին Վ. Ի. Լենինը ծովային զործերի ժողկոմատին դրում էր. «Շատ եմ խնդրում բոլոր միջոցները ձեռք առնել արագացնելու Կասպից ծով ամեն հարմար տիպի ուղղաթիռային նավեր հասցնելը»¹²: Վ. Ի. Լենինի ցուցումով Բաքու ժամանեց ռազմական կոմիսար Պետրովի ջոկատը, որը կարևոր դեր խաղաց Բաքվի պաշտպանության գործում: Բաքու եկան նաև այլ ռազմական ուժեր, որքանով այդ հնարավոր էր այն ժամանակվա պայմաններում, երբ Ռուսաստանում քաղաքացիական դաժան պատերազմ էր բորբոքված, երբ նա գտնվում էր ինտերվենյանների կրակե օղակում:

Հուլիսի 25-ին Բաքվի սովետի արտակարգ նիստում Ստ. Շահումյանը հանդես եկավ քաղաքական և ռազմական դրության վերաբերյալ զեկուցումով: Դաշնակցականները, մենշևիկները և աջ էսեռները կրկին բարձրացրին անգլիացիներին Բաքու հրավիրելու դավաճանական առաջարկը: Դրա դեմ վճռականորեն հանդես եկան բոլշևիկները: Հիմնավորված ելույթներ ունեցան Զափարի-ձեն, Ադիդրեկովը, Զեինը և ուրիշներ: Չնայած դրան, քվեարկության ժամանակ չնչին մեծամասնությամբ (258 ընդդեմ 231-ի) անցավ անգլիական զորքերը Բաքու հրավիրելու առաջարկը: Քվեարկությունից հետո Ստ. Շահումյանը հանդես եկավ հայտարարությամբ, որի մեջ նշավակեց էսեռական, մենշևիկյան և դաշնակցական ֆրակցիաներին, նրանց վարքագիծը որակելով ապերախտություն և դավաճանություն հեղափոխական Ռուսաստանի նկատմամբ:

Վ. Ի. Լենինը տեղեկանալով Բաքվում ծավալվող իրադարձություններին, լիովին հավանություն տվեց բոլշևիկներին, Ստ. Շահումյանի քաղաքական վարքագծին: 1918 թ. հուլիսի 29-ին հանդես գալով համառուսաստանյան կենտրոնական Մոսկվայի սովետի և արհմիությունների միացյալ նիստում, Վ. Ի. Լենինը իր ճառում նշեց, որ անգլիացիներին Բաքու հրավիրելուն դեմ քվեարկելով, Բաքվի բոլշևիկները «մի այնպիսի քայլ են արել, որը ոչ թե խոսքով, այլ գործով սոցիալիստների համար միակ արժանի քայլն է»¹³: «Անգլո-ֆրանսիական իմպերիալիստների հետ որևէ համաձայնություն կնքելուց վճռականորեն հրաժարվելը,— հայտարարեց Լենինը,— Բաքվի ընկերների միակ ճիշտ քայլն է, քանի որ չի կարելի նրանց հրավիրել առանց ինքնուրույն սոցիալիստական իշխանությունը, թեկուզ և կտրված տերիտորիայում, վերածելու իմպերիալիստական պատերազմի ստրուկի»¹⁴:

Մի կողմից Անտանտի և գերմանա-թուրքական իմպերիալիզմի, մյուս կողմից դաշնակցական, էսեռա-մենշևիկյան ու մուսավաթական հակահեղափոխության կողմից գրոհի ենթարկված Բաքվի կոմունան 1918 թ. հուլիսի 31-ին ընկավ: Դավադիրները կազմեցին, այսպես կոչված, «Ճենտրոկասպիի» կառավարությունը, որը Բաքուն հանձնեց անգլիացիներին, ձերբակալեց կոմունայի ղեկավարներին և պատրաստվեց նրանց հետ հաշվեհարդար տեսնել:

Սովետական կենտրոնական կառավարությունը, անձամբ Վ. Ի. Լենինը ամեն կերպ աշխատում էին փրկել կոմունարներին: Ճշգրիտ տեղեկություններ չունենալով Շահումյանի և ընկերների բախտի մասին, Վ. Ի. Լենինը 1918 թ. օգոստոսի 9-ին անհանգստացած հեռագրում էր Աստրախանի սովետի նախա-

¹² В. И. Ленин. Соч., т. 50. էջ 121.

¹³ Վ. Ի. Լենին, Երկեր, հատ. 28, էջ 9:

¹⁴ Նույն տեղում:

զահ Անիսիմովին. «Դրությունը Բաքվում ինձ համար այնուամենայնիվ պարզ չէ: Ո՞վ է կանգնած իշխանության գլուխ: Որտե՞ղ է Շահումյանը»¹⁵:

1918 թ. սեպտեմբերի 15-ին թուրքական զորքերը մուսավաթական կառավարության հետ միասին մտան Բաքու, զաժանորեն կոտորելով 30 հազ. հայ բնակչություն: «Ցենտրոկասպի» կառավարությունը և անգլիական «փրկիչները» զխապատառ հեռացան քաղաքից, բանտախցիկներում թողնելով Ստ. Շահումյանին և մյուս կոմիսարներին, համոզված լինելով, որ նրանց հետ հաշվեհարդար կտեսնեն զաղաղած թուրքական նվաճողները և մուսավաթականները: Միայն վերջին ռուսներն Անաստաս Միկոյանին և մի խումբ ընկերների հաջողվում է ազատել բանտից կոմիսարներին և «Թուրքմեն» նավով Բաքվից ճանապարհով ղեկ սովետական Աստրախան: Բայց նավի վրա գտնվող անգլիական սպաները և նրանց ծպտյալ զործակալները, ուժի դիմելով, նավը տանում են Կրասնովոդսկ, ուր տիրակալում էին էսենները ու նրանց անգլիական հովանավորողները: Նրանք էլ 1918 թ. սեպտեմբերի 20-ին Կրասնովոդսկից 200 վերստ հեռավորության վրա, Ախա-Կուլմա և Պերեալ կայարանների միջև ընկած ավազուտներում արյունոտ հաշվեհարդար են տեսնում 26 կոմիսարների հետ: Անգլիական զավթիչների և նրանց զործակալ էսենների ձեռքով զնգակահարվեցին Ստ. Շահումյանը, Պ. Զափարիձեն, Մ. Ադիգբեկովը, Ի. Ֆիոլետովը, Յա. Զեխեր, Գ. Կորզանովը, Ի. Մալիգինը, Ս. Վեդիբովը, Գ. Պետրովը, Վ. Պուլուխինը, է. Բերդը, Ֆ. Սոնցեր, Ս. Հովսեփյանը, Մ. Բասինը, Ա. Ամիրյանը, Ի. Գաբիշևը, Ա. Բորյանը, Մ. Կոզանովը, Բ. Ավագյանը, Ս. Բոգդանովը, Ա. Կոստանդյանը, Ի. Մետաքսան, Ի. Միշեն, Ա. Բոգդանովը, Ի. Նիկոլաշվիլին և Թ. Ամիրյանը:

Երբ բացահայտվեց կատարված շարագործությունը, սովետական աշխատավորները, ամբողջ առաջադեմ մարդկությունը ցասումով դատապարտեցին «քաղաքակրթություն տարածողների» դիմակի տակ թաքնված իմպերիալիստների ստոր ռճիրը: Պատմությունը ցույց տվեց, որ հաղթանակեցին այն զաղափարները, որոնց համար պայքարում էին 26 կոմիսարները:

Անդրկովկասում սովետական իշխանության հաղթանակի համար Բաքվի կոմունյան Խանցալ խոշոր նշանակություն: Ինն ամիս Բաքվի պրոլետարիատը, հռչակելով սովետական իշխանություն, կոմունիստների ղեկավարությամբ անցավ քաղաքացիական պատերազմի բարդ ու դաժան դպրոց, ձեռք բերեց ներքին հակահեղափոխության և միջազգային իմպերիալիզմի հակասովետական դավերի դեմ մղվող պայքարի մեծ և ուսանելի փորձ:

Բաքվի կոմունայի անձնուրաց ու հերոսական պայքարը խոշոր ազդակ հանդիսացավ ամբողջ Անդրկովկասի բազմազգ աշխատավորության հեղափոխական պայքարի համար՝ ընդդեմ ներքին ռեակցիայի և օտարերկրյա նվաճողների: Բաքվի կոմունայի, նրա հերոս պաշտպանների փորձով հարստացած, 26 կոմիսարների հերոսական զործերով ոգեշնչված, սովետական Ռուսաստանի օգնությամբ Անդրկովկասի բանվորներն ու գյուղացիները վերջնականապես թոթափեցին նացիոնալիստների և իմպերիալիստների լուծը ու սովետական բոլոր ժողովուրդների համերաշխ ընտանիքում ընթացան սոցիալիզմի ուղիով:

¹⁵ Նույն տեղում. հատ. 35, էջ 380:

БАКИНСКАЯ КОММУНА И ЕЕ ИСТОРИЧЕСКОЕ ЗНАЧЕНИЕ

(К 50-летию расстрела 26-ти бакинских комиссаров)

В. А. АВЕТИСЯН

(Р е з ю м е)

В период 1917—1921 гг. рабочие и крестьяне Закавказья и, в частности, бакинский пролетариат, под руководством большевистской партии вписали много героических страниц в летопись социалистической революции. Одной из этих ярких страниц является Бакинская коммуна.

31 октября 1917 г. Бакинский Совет рабочих и военных депутатов по предложению большевиков, против воли меньшевиков, эсеров, мусаватистов и дашнаков, провозгласил в Баку Советскую власть. В конце марта 1918 г., подавив вооруженный мятеж мусаватистов, Советская власть в Баку укрепилась. Был образован Совет Народных Комиссаров под председательством Ст. Шаумяна. Героическая Бакинская коммуна стала знаменосцем социалистической революции в Закавказье. Расстрел 26 бакинских комиссаров английскими интервентами и их эсеровскими наймитами окончательно разоблачил зверное лицо империалистов и предательскую политику националистических партий. Обогащенные опытом Бакинской коммуны трудящиеся Азербайджана и всего Закавказья под руководством Коммунистической партии разгромили контрреволюционных националистов и установили Советскую власть в Азербайджане, Армении и Грузии.